

近代中國史料叢刊續編第九十三輯
沈雲龍主編

辛卯侍行記

陶保廉著

卷一—卷三

文海出版社
有限公司
印行

清·陶保廉著

辛卯侍行記

辛卯侍行記序

詩陟岵苞栩諸篇大都人子行役遠離其親之所作也豈不以輪號僕僕寢膳依依勢固不能兼及者哉陶君拙存見示辛卯侍行記六卷蓋侍其尊公由陝藩

簡授新疆巡撫自入

覲以洎履任備記程途日月酬應往來英蕩式臨負弩矢者駢集幃帷暫駐擁冠蓋以鱗差而君隨侍其間亦幾忘風塵況瘁天倫之樂際遇之榮有昔人所未逮者顧其中所過名都下邑建置沿革特詳水道郵程脈絡并分悉具或辨譌而攷古或救敝以論今徵引諸書不下數十百種

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



自非便便腹笥蚤裕居恆抑豈恣促倚裝所能立辦且夫世之所謂佳公子者吾知之矣當其席豐履厚體泰心奢裘馬翩翩不減五陵年少此亦何足爲君論又或聰明特達卓犖不羣及壯盛之年華乘父兄之餘蔭鵬搏霄路驥騁天衢鼎養承歡本無俟毛生之捧檄策名騰仕乃竟同溫嶠之絕裾舫轍東西庭闈曠隔孰得孰失必有能辨之者陶君博識前聞究心時務竿諳周髀注析彙經象寄譯鞞采異聞於稗海兜僂傑休慨披髮於伊川固不徒帖括能工洵乃體用兼備儻令出其所學馳騫當途唾手三旌定堪操券而乃頻年節署依然鍵戶下帷定省晨昏編研

午夜佗無耽翫不妄交游其性天之純篤識趣之高明有
迴越尋常萬萬者茲以河湟不靖中丞公奉

命督師小醜陸梁行當殄滅君復追隨節鉞密贊戎機所
記道里山川不啻畫沙聚米墨磨盾鼻氛息旄頭行篋所
儲當更有裒然成裘者謹拭目俟之矣

光緒二十一年十一月巡卿弟丁振鐸序於北庭之柏署

序

光緒十七年三月秀水陶公奉巡撫新疆之

命嗣君拙存侍公行歷秦晉趙魏齊燕六國之地西踰長
城渡瀚海入月氏鮮卑車師蒲類諸國以達新疆都行一
萬一千餘里凡山川關隘之夷險道路之分歧戶口之多
寡人心風俗物產之異同罔不勤諏廣稽取其事有關於
經史及體國經野之大者著於篇名之曰辛卯侍行記嗚
呼何其都也竊嘗以爲古者圖與書並重周官大司徒之
職以天下土地之圖周知九州地域廣輪之數辨其山林
川澤邱陵墳衍原隰之名物而夏官司險

職方氏又

各有專職以掌其圖。嬴秦焚書，獨律令圖書藏於史相。漢祖入關，蕭何收而有之，遂具知天下阨塞、戶口多少、強弱亡秦、破楚以得天下。漢時郡國輿地之圖，掌於司空。累朝不絕。隋唐以來，圖學漸就微滅，而私家著錄之書間有存者。自時厥後，浮文日盛，重書而不重圖。於是周秦以來歷世相傳之圖，蕩然無復。畱遺而郡國之沿革、分并山川之名、宮廟輿服之制，下及草木鳥獸蟲魚、一名一器之微莫不名實淆雜，教愷乖離。學者求其詳而不可得，往往敝精焦思索之影響，紛紜聚訟如瞽者之求日於槃及闐鐘，而遂以爲真日也。可不謂大愚乎！吾嘗私怪司馬子長氏以

通博有識之儒其所爲史記立體大備獨於圖焉闕而弗
載班范而後相沿相襲以至於今卒未有能悟之者可歎
也已拙存夙精於圖學其記是書也獨能於古圖亡滅之
後躬履其地一一詳究以求得其一當其大旨以山爲經
以水爲緯以古書之方向里數定土地之沿革以方言土
音之變轉證古名之是非自漢唐巨儒迄今鴻學贍才精
研地理之士凡其言之參差舛牾不合於古而鑿於今者
皆綜覈而析辨之曠然如迷者之獲康途以逝也余向讀
禹貢一書深以雍梁徼外之地若積石豬野黑水三危諸
說恫恍支離不可與要今旣喜得拙存之說錄而存之復

爲之序以誌服膺之意今年三月拙存由塞外隨侍入
屈指是書之成已五年矣每一披覽猶喟然想見當日懷
鉛握槊於風沙雨雪中躊躇四顧時也丙申五月二十八
日世愚弟王樹枏敬序于金城節署之西堂

近代中國史料叢刊續編 第九十三輯

目錄

辛卯侍行記 卷一——卷三……………陶保廉著

辛卯侍行記 卷四——卷六……………陶保廉著

中國鐵路志（民國四十三年）……………凌鴻勳著

鐵路·電信七十五週年紀念刊……………王開節、錢其琮、修域編

郵政六十週年紀念刊 附：①清代交通人物小傳 ②從業人員經驗談……………王開節、何縱炎編

中國公路史（民國四十六年）……………周一士著

漢冶萍公司史略……………全漢昇著

石油人史話……………凌鴻勳等著

東北之交通 附：張恪惟著：東北抗日的鐵路政策……………王奉瑞著

中國商戰失敗史（一八七六一一九一五）……………龐淞編

辛卯侍行記卷一

自陝西東至河南道口鎮乘舟經山東德州北至天津二千八百六十八里

秀水陶保廉

辛卯四月 家君奉

召入覲二十七日庚申儼裝衣箱六書箱九履轎二轎夫
每人日給錢三百轎車四每乘價銀十六兩大車四每乘
價銀二十四兩皆雇至河南道口鎮同行者高爽溪表叔
塏懷甯張愚生紹元及其長子子寬宗厚又金匱施裕堂
衍緒以赴京兆試結伴家人沈和張德張祥張虎
許慶打雜人王四尤和家君代
兩首縣擬信囑東路寅友勿事供張保廉作家信託許公
若丈由上海轉寄又致金閨伯工部信託寬寓廬

二十八日巳刻啟程 四里長樂門 家君詣官廳撫臺

鹿滋軒偕長筮農德滋軒兩副都統藩臺張竹晨臬臺唐

斐臬松鶴齡江海帆兩道臺行寄請

聖安禮

尙將軍病未來

張仲軒席星府張次丞諸幕賓於道旁設

茶座邀往話別

三里東郭門

郭外歧路東南行十里尉家坡又十里水溝十里毛

家河十里藍田境新街二十里洩湖鎮二十里藍田縣

郭外東北行十五里光泰門又十五里新任鎮二十里呼

于堡渡渭水西北

東北行

郭外二里道南爲金花落都又

十五里高陵縣

二里道南爲韓森社統附郭四

十二都社有高冢若山宋敏求長安志以爲秦莊襄王陵

俗以爲呂不韋冢或云韓信冢皆非也按史記不韋傳正

義莊襄陵在新豐西南三十五里水經注葬近驪山皇覽

呂不韋冢在洛陽北邙舊縣志淮陰侯韓信墓在霸城或

云省城東北四十里龍王

六里十里鋪

有十餘家西北四

廟堡西北畢沅立石焉

六里十里鋪

有十餘家西北四

九下長樂城舊名澆城隋文帝改長樂二里澆橋晤沈定九岑盛之兩

鄉長橋左右二坊一曰輞川勝景一曰長樂要津澆水實水經注

之長水亦名荆溪出藍田縣西南二澗東曰焦戴水西曰湯峪水合而西北流貫白鹿原息峪水西流入之又西北

至咸甯之杜陵邨西庫峪水北在路東有沙谷堆社在白流入之又北至北辰社入於灊

鹿原北址統閭四里牛耳寺在道西三里至灊水南龍王廟家灘等十五邨

食於行館灊水淤沙日高夏秋泛濫道湍難行咸甯縣丞署亦被水毀漢文帝霸陵在東南十里楊家疔

秃邨之北名鳳皇嘴牆周未刻度灊橋長約四十丈唐稱三百丈陵戶毛高二姓

銷魂橋隋初移建非漢灊橋地也元劉彬明余子俊重修康熙時圯廢

乾隆中移建道光中巡撫楊密峰重修灊水出藍田東山倒峪銅峪雷峪諸

澗西流至普化鎮藍水西北流入之又西十二里經藍田城南有輞川水實古澆水也北流入之折西北繞白鹿原

東址二十里經洩湖鎮二十里新街又西北入咸甯界十

五里沙河西南流入之二十五里洪慶河自臨潼西南流

入之過灞橋街又西北會荆溪橋北為灞橋街北里許為

即龍稱澆水者合而北入渭 灞城縣地也街東五里 路家灣社統十七村 五里上銅人原至豁口村 五里

邵平店東陵種瓜處唐章后福陵 穆宗妃生武 最 后慶陵

宣宗昭容 王后壽陵 懿宗妃 王后安陵 懿宗妃 均在西北

生懿宗 陵戶皆 五里地窰子 臨潼 五里斜口鎮 唐段太尉故里 三

吳姓 里 過惠 七里橋 志稱阮儒谷在臨潼西南五里按孔孟既

里家邨 未亡則以遊說構議弋取名利迨秦并天下則競進封禪

刻石之議其頌辭輒曰功蓋五帝澤及牛馬諛無可諛乃

創為求神仙求不死藥多方詭遇凡以冀高爵厚祿耳費

巨萬計仙藥終不可得始皇乃怒諸生而阮之史記曰召

方術士原非真儒也曰阮四百六十餘人原非悉天下之

儒而誅之也

驪山剛谷者 七里臨潼縣進西門 一里出南門 一里與史相乖

宿驪山下環圍計行五十七里知縣事錢塘施勛臣劬安

府知府滿洲文泰初咸甯縣知縣長山焦雨田雲龍長安縣知縣四川胡鴻賓昇猷暨各文武來者八十餘人遠道送迎皆非禮也鹿撫臺遣戈什二人任協鎮紫卿令親兵四十人護送 家君固辭卻之吳參將兩舟遣兵八人相送力辭不獲堅 驪山即藍田北幹兩高峰曰東繡嶺西繡嶺送至道口

嶺巖時花木蒼蔚兵燹後蕩然矣環圍為唐溫泉宮華清

宮故址 漢武故事云驪山湯始皇砌石起宇漢武又加修飾焉唐華清宮內殿開園亭之名見於縣志凡三十餘所故址不可詳攷敬宗寶曆元年上欲幸驪山張權與諫曰昔幽王幸驪山為犬戎所殺始皇幸驪山而國亡

元宗宮驪山而祿山亂先帝幸驪山而享年不久帝曰驪山若此之凶宜往以驗其言既還謂左右曰彼叩頭者之言安足信哉光緒丁丑知縣事會稽沈某修此園旋里吏明年帝被弒

議其碑文云以工代賑竊意此特籌賑一事耳丁丑奇災集得巨貲應悉充賑修治園亭非農夫所能此日以工代賑僅賑壁間石刻金人詞羯鼓數聲打開蜀道霓裳一工匠而已

曲舞破潼關有慨乎言之

蒲城廩生李仲特來送作長夜之談李寒士學算甚力

二十九日黎明行 一里進臨潼南門

縣志稱驪山屬土剋水南門有瓮

城向西以受金氣則金生水又恐水之直洩乃塞北門倘建鐘樓於中衢以應金星可培植風教云云此形家陋說竟載諸志乘士人之識如此宜其衰也

一里出東北門 五里五里溝 三

里官路鄭邨 二里陰盤坡 二里沙河 八里新豐鎮

漢地志太上皇思東歸高祖為築城市以象豐七年置新

豐縣 按史記高帝十年七月太上皇崩櫟陽宮更名驪邑

日新豐則太上未崩以前猶曰驪邑不得云高祖七年置 鎮東鴻門坂沛公會項王處也 十里戲河橋 水出南山

走馬 嶺 六里西段邨 四里館於零口鎮 有樊噲廟 三里零口塘

臨潼縣東三十八里鐵鑪鎮南龍鳳山左右三澗北流二合為零水又北入渭古稱冷水出驪山東支肺浮山

里零陽鋪 渭南 五里盛店鎮 五里杜化鎮 五里量天坡

即唐書沙陀傳之梁田坡有廟曰大鍋寺 五里胡邨鋪 九里萬里橋下為澗

水 水經謂之首水出石樓山東北入渭 一里渭南縣西門 一里任行館計

行七十八里 高八叔因轄內不便偃卧換坐余車余坐轄 署縣事歷城嚴少雲

書麟 縣西南七里灰埵周百步高三丈俗傳始皇焚書

處 韓非子和氏篇商君教秦孝公連什伍設告坐之過燔詩書而明法令則焚書非始於李斯也始皇以立國為

樹兵遂郡縣天下齊人消于越請封建李斯憾慝儒道古以害今請下燒書之令斯親見六國戰爭慘毒黔首議廢封建亦救時苦衷論者以秦不封建為失計不知始皇驕暴寡恩縱行封建亦自速亡迂儒泥古妄言焚書之禍實激成之又按秦禁藏書謂非博士官所職而私藏者悉燒之官書自在也此非亡於秦火而亡於項羽之一炬然圖籍歷久易佚如醫藥卜筮種樹之書秦本未燒後自殘闕又如漢晉人書至唐宋而佚唐宋人書至元明而佚有不幸耳

近世

東南

十五里郭家邨有漢孝子蔡順墓按順汝南人墓在此可疑

三十日卯行 一里出渭南東門見兩狼 六里西陽橋

六里東陽橋 十里赤水鎮水經注竹水俗謂之大赤水

後人訛謂商君決因河水盡赤因名 有坊題周處故里謬也縣志稱周處斬蛟赤此水邑東南四十里鳳皇山有倒獸峪周處殺白虎於此攷三國吳志晉書皆云處陽羨人今江蘇宜興縣也 渭南新志鄉

賢有周處傳摘錄晉書本傳而於處少孤下增吳中多難
避地元象山隱居焉二句以傳會倒獸峪周處殺虎之說
又將處果殺蛟而反句改爲處乃殺蛟水盡赤以傳會赤
水鎖周處斬蛟之說於傳未增西討死事秦人思之以元
象出殺獸斬蛟功立廟峪口收處遺骸藏廟中等句復注
曰晉書一若本傳有此等語者夫周處非秦人射虎斬蛟
確在陽羨其西討死事在今興平縣境與渭南無涉本傳
明言賜葬地一項周氏本江南豪族處子玘爲烏程縣侯
少子札爲右將軍豈不能葬其父於故鄉渭南人收處遺
骸晉書未載千餘年後誰見而知之渭邑無周處山川未
必減色鄉曲訛傳本無足怪

南十里 五里遇仙橋 五里白泉鋪 十里石橋鋪 十里

華州進西關 二里住新北門內行館計行五十五里知

州事新都鄭執安思敬 同治元年春粵賊合捻匪踰秦嶺

入陝渭南紳士募回丁守瀆峪因
滋事裁撤路經華州聖山茂民家竹漢回互闕是年夏髮
逆陷渭南華州華陰葵回乘間創亂蓋漢回畛域太分睚

此積忿互有曲直數世之仇一朝決裂名城大邑所過成墟慘矣哉 華州北二十里王邨鋪又七十里同州府又北十里柳池鋪二十里義井鋪又十里白其鋪五里澄城縣

五月朔甲子東行 一里出華州東關里許有舊木坊題

汾陽王故里又有寇萊公故里 公墓在渭邑北棠邨里 陳希夷墜驢

處碑 十里羅文橋五代梁劉鄩戰敗處 五里 石路崎嶇 蓮

花池橋 有黃家河出移山潭東北流入渭 五里柳子里 有紀信廟 一里迎仙橋

有孟家河出方山構嶺東北入渭 南為白土坡 四里臺頭鋪 即分界鋪華州華陰

接壤也 五里古城營 有葱峪水北流十六里 十里敷水鎮 敷水

出鎮南六里少華獨秀峰下敷谷北流經此 北魏有敷西又北五里折東北二十里至北巖嶺入渭

縣唐為敷水驛後人謂以羅敷 王仁妻秦氏 得名則誤以邯鄲

婦人爲秦人矣食於旅店望見太華 十里二十里鋪卽

新莊鋪汛墩書平舒古制秦平舒道水經注所謂江神返

壁者也 十里長城鋪

仙峪襄峪二水至此合流又東北十九里入渭

秦孝公元

年魏築長城自鄭濱洛卽斯地也蓋華州華陰宣王時爲

鄭桓公采邑東遷後爲晉之河外戰國初爲秦魏接壤時

桃林非秦有故秦不强魏納河西秦遂不可制 十里華

陰縣

志稱西南五里有華佗墓按元化浦國譙縣人死於許未嘗入關又縣西三里有王猛墓

進西門

一里出東門

四里任嶽廟

俗呼華陰廟

計行七十六里知

縣事廣西梁心荃年丈承馨

初二日 家君偕同州府知府武強賀子言年丈爾昌權

朝邑縣事遵化李晉笙登第往朝邑閱河工在三河口鎮

北二十里三河口者洛水東南流入渭

在鎮西北五里

渭入河處

在鎮東南五里

近年河流自大慶關西徙侵逼洛水若奪洛溢渭

則華州有泛濫之虞於趙渡鎮

朝邑南十五里

田子邨等處築挑

水壩以障西岸

華陰東北二十里三河口鎮折西北渡渭六里倉頭鋪十里趙渡鎮其東曰大慶關

渡口逾河而東北十八里嚴家莊又二里寨西港明末黃河故道也又東北七里為大慶關有秦晉界坊人東過涇

河明萬歷初黃流也三里蒲州府又自趙渡北行六里新市又九里朝邑縣城東臨黃河

洛水出甘

肅慶陽安化縣北東南流經鄜州同州入渭即周禮職方

氏雍州其浸渭洛之洛

漢地志襄德有洛水禹貢導渭孔傳漆沮二水名亦曰洛水出馮翊

北皆指今同州之洛前漢襄德在今朝邑西南後漢懷德在富平縣水經注沮水逕懷德城南今富平石川河也古

時入洛統稱漆沮近世與非禹貢伊洛之洛也保廉留住
洛絕遂以漆沮專屬石川

嶽廟廟極宏壯康熙時發帑修葺回匪亂後重修不及曩

時之半舊有商柏周槐漢唐碑碣多付劫灰矣登閣望太

華去春余徧遊西岳諸峰有記曰客有言太華之雄奇者
余羨焉偕友往遊以三月十三晚至岳麓雲臺觀爲周

明堂地宋陳希夷隱此西有願亭林所建朱子祠朱子曾
奉主管雲臺之命故祠焉登閣視西峰半出雲表瀑布如

匹練次日乘筍輿至玉泉院觀希夷洞洞外鑄三大字曰
山蓀亭入張超谷經王猛臺桃林坪娑羅坪曲折巉石間

飛泉怒號奇峰駭目望見大上方水簾洞希夷峽皆前明
登山孔道今則陵谷變遷不復取道於茲矣循十八盤而

上舍輿徒步盤厓崎嶇愈曲愈峻距平地二十里豁然開
朗爲青柯坪坪當山半山之勝至此得十之三四其上益

險遊人率止此顧不踰奇險不得奇景余心未慊也日已
暝宿東道院澗水爭道松濤四起濤騰徹夜如泛滄溟望

日之卯短衣窄袖鼓勇後升輿人前導指示崖上同心石
三字氣頗餒不數武瞥見英雄進步四大字氣遂一振無

何陡壁阻人中裂一縷鐵索下垂縋而上者可千尺曰千尺幢出險得平地丈餘復入壁縋而上者百尺曰百尺峽蓋水經注所謂天井也從峽口度二仙橋過媼神洞至犁溝危崖右削石受足倏高俟下亘數十丈下望如壁上馮涎余面壁側足屏息曳踵溝盡達雲臺峰卽北峰也詩眞武祠道人具蔬食悲檻縱眺翠峰羅列白雲油然須臾千變午後至蒼龍嶺則一線羊腸橫嶺嶺數里如籠脊前不見首後不見尾兩旁劒削而下不知其幾千仞導者告余曰韓昌黎至此痛哭不能下戒毋旁視余潛睨左右雲霧下起風來體戰遂蛇行而過又踰數險至五雲峰當華岳中央衆峰環拱突起突落重疊如蓮萼此華之所由名歟旋登雞冠石磴道迂迴盤旋空際一步一曲饒有逸致入金鎖關躋玉女峰正對東峰仙掌乃巖石崩墮肌理呈露文列如掌好事者指爲巨靈擘山之跡不足辯也循馬槽谷下降十餘丈出谷底松林掬雪和松枝嚼之殊沁心脾至東峰下升降略憊從者舁余上觀青龍池秦昭王博臺下峰入南天門登聚仙坪觀九節椽鐵杵插壁綴以狹版其下羣石劒立人跡不到俯視石壁鑄華山文約四字大踰尋丈曩固有徑可通出天門過玉柱峰入於穴石覆如履自隙上出卽避詔崖陡壁怖人石漚浸履華岳志

載遊語崖二字希夷手書夫希夷既遊肯自表之乎華山
古蹟志多傳會余惟賞山勢之奇而已傍晚登南峰宿岳
廟據華岳之極高於平地四十里帶黃河而礪羣山昨在
山麓望西峰插天至是則抑然自下有弗敢爭高者須臾
月出天無片雲俯視蒲阪馮翊諸郡邑歸煙霧羣峰露
半若沈若浮夜分甚寒披裘就枕次日登落雁峰觀仰天
池黑龍潭循省身崖至西峰巨石裂而未墮有類斧劈請
蓮花峰高陞片時松風拂衣而醒折北經二十八宿潭復
至五雲峰午後下山晚宿北峰次日還雲臺觀當陟險探
幽時兢兢業業無或顛躓至平地而與人仆仆於所忽也
青柯坪以上小險小奇大險大奇奇雲奇石奇松殊形詭
觀不可以物擬向非鼓勇直上則交臂失之矣甚矣天下
事之不可畏難也爰泐石絕頂仰天池之旁大書曰光緒
庚寅三月望商邱席裕駟秀水陶保廉吳江陳世昌同登
初三日由嶽廟東北行南有醴泉水北流至廟南岐爲二
西枝西流東枝北流均入長澗河
五里陽化鋪 四里沙渠橋水出縣東南二十五里蒲谷
北流十餘里至鎮陽邨折西
北流經橋下又西北 六里泉店鋪漢楊震講學處 二里
入長澗東北達渭

磨渠橋

八里楊橋鋪

一稱吊橋

有楊震墓

坊題四知碑潞關西夫子有靈谷水

出朝陽山北流十餘里過楊邨又十里過吊橋寨折西北五里入河

五里滿城舊址華陰五里

潼關入西門

一里住行館計行三十六里城內東山即

麒麟山有提督馬德昭所葺園亭西望太華終南左顧中

條首山秀嶂分霄層崖刺天俯瞰風陵渡航如鳧泛下山

行河隄三里至電報局寄津滬各信下午家君自朝邑

來候補知府懷遠宮農山之子小農名汝鼎以應試同赴京師潼關東漢建安時始見

於史徐堅初學記魏有潼關在函谷西金門關在函谷東

晉有衝關在蒲坂南臨晉關今蒲津關所在元和志歷徙

二處而至河潼關西一里有潼水故名按水經注河流潼

激關山因謂之潼關有濩水注之出松果山華陰東南流二十七里

經通谷亦名通谷水據此則潼水古稱濩水而關非以潼

水得名也今潼水二源東曰禁溝水出蒿谷峪西曰通谷水出佛頭崖均北流二十里會於柳家邨又北

五里貫廳通典曰潼關又名衝關河自龍門衝擊至華山城入河

東也潼商道滿洲文鏡堂潼關協副將滿洲額華亭撫民同知閩縣王子善識

初四日卯出潼關東門曲折土峽中車至此皆易短軸五里出金

陵關入河南閩鄉界金陵東南里許為李家莊又南二十餘里為萬倉善車馬峰等十餘邨皆

潼關廳屬地關東南古稱黃巷潘岳西征賦所謂溯黃巷

以濟潼水經注河自潼關東北流側有長坂謂之黃巷坂太平御覽引述征記黃巷坂長十餘里九坂池遷

元和志黃巷坂在閩鄉西北三十五里或作黃卷者誤也匡謬正俗曰潼關之外深道如巷土

色正黃謂之黃巷又曰自此東達函關軌轍多在巷中

李虹舟西征賦有云踣蹶低印以赴軌龍崕窄峒以噤音

健步一人前喊來車勿驟或讓立壁隙然後過否則兩值

各欲還不能古志車不容方軌馬不得並騎一夫當關萬

夫莫開信不誣也保廉按車行經此誠為險隘若舍車而

騎步則阜上田間自多坦遂蓋此巷於上古為平路重車

深碾雨水冲刷久而成溝兩旁又多田廬不得行車數千

年來趨此一轍愈刷愈深如巷如峽士夫往來乘輅祇見

遂徑詫為巖峻正如身坐井中不知井上有康莊被跳梁

者不必用車即不必魚貫深巷騎步分進蹊徑百出以余

觀之潼關兩谷皆非天二里七里屯在道北十里出巷至

青龍澗

西南十里東馬等

卽玉溪也鄭注玉溪北流逕皇

天原西漢世祭天於其上又北逕闕鄉城西是古闕鄉在

今闕民鎮也

三里食於闕底鎮

西南十餘里東莊等處亦潼關插花地

東

行復入夾道 十里十二澗河酈注之全鳩水也 水東有

豕北入大河 十里出夾道至槃豆鎮西有狼水澗一名

兜津南出棗香峪 酈注槃澗水出夸父山北逕漢武思子宮東又北入河齊氏水道提綱謂與十

二河合流誤也 復東行夾道 十里高柏屯在道南 十里閿鄉

縣 鼎湖 知縣事榮成孫六皆叔謙邀住署內計行六十里

縣城因隋址周四里北垣圯於河方修隄工 城西有湖澗水經注湖水

出桃閿鄉縣秦曰湖關漢置胡縣 故城在今縣東元和志湖城東南至虢州五十

林塞 二里漢胡城在 武帝更名湖 以黃帝鼎湖而名 後魏改胡城隋始

立閿鄉縣 後漢郡國志湖縣有閿鄉元和志後周置三林明帝置閿鄉郡然舊新二唐志均未載

日知錄以閿鄉為春秋晉河外之瑕古瑕胡二字通用 禮記

引詩心乎愛矣瑕不謂
矣鄭注瑕之言胡也 漢又改湖也而顧復初春秋大事

表以陝州曲沃鎮當河外之瑕左傳焦瑕竝舉史記恆以

焦曲沃竝舉 梁襄王五年秦圍焦曲沃八年 其理較長

闕山在縣西南五十里 是在潼關南矣 夸父山在縣東南為西岳

支峰亦名秦山北為桃林荆山在縣南二十五里志稱山

下鑄鼎原黃帝上升處湖城廢縣即漢武鼎湖宮按服虔

謂黃帝升僊處在寒門谷口 今醴泉清化之閒 寰宇記雲陽縣東

北嶽薛山黃帝鑄鼎於此 雲陽今清化 陝西富平縣志稱富平

西南十里荆山有鼎湖黃帝上升處藍田縣志云鼎湖宮

在藍田夫鑄鼎上天方士妄談耳乃各欲引以為重可嘆

也封禪書公孫卿受書於申公曰黃帝鑄鼎荆山有龍下迎黃帝上天從者七十餘人後人名其處為鼎湖又曰所忠視其書不經則當時已知其妄矣司馬氏於黃帝紀特書帝崩葬橋山蓋有慨於武帝之惑也王充論衡道虛篇力辯此事非實後人何不悟耶

端午日出闕鄉東門東南二十餘里鄧家營等六七里

雷家營至此折六里楊家灣亦潼關插花地五里大字營河南通志作遠

四陝州志作遠紫其北有王濬墓唐羅隱詩男兒未必盡英雄但到時來即命通若使吳都猶王氣將軍何處立殊

功二十里食於稠桑鎮靈寶號公敗戎於桑田即此隋末屈突通與

劉文靜相拒於十八里得磚牆一堵當土峽康熙中知縣

事江蔡築題曰函谷關舊名也秦函谷關在今靈寶南十里柏林蔭谷深險如

函故名漢武元鼎三年從楊僕言徙於新安東曰新關以故關為宏農縣東自崑山西至潼津通名函谷亦稱桃林